

建安縣志卷之九

藝文下

祭城隍文

崔銑

維神其有靈兮代上天而陰騭乎下民維其不
敏兮奉

新命而敢任乎專城單車甫臨神境兮寸心夙夜其
兢兢用敢竭誠昭告兮願與神分理乎幽明人事
宰之職兮何以弊革而利興天工神之力兮何以
阜物而寧人欲富欲壽欲逸兮宰其體恤乎輿情

建安縣志

卷之九

藝文

若水若旱若疾兮神其消釋乎灾祲共撫一方之
黎庶兮政績相與以有成倘予戢之未稱兮尚克
誘啓乃心倘予念之有欺兮譴責其有常刑茲當
諸務未遑兮先洗心而誓盟維神其有靈兮鑒茲
悃忱尚饗

祭儀門文

崔銑

邑之有門也閱宰多矣宰易其人而門不易其名
蓋以其儀中立四方之綱也其儀孔威萬民之望
也其儀洞然無所障也其儀巋然無所欹也門之

所係大矣哉斯門也虎視不得以容其隄鬼蜮不
得以展其形群鼠不得恃以爲社媚狐不得依以
爲城而吾今之履之也平如砥直如矢由門拾級
而升庶幾乎神相我于冥冥一官初試製錦未能
昭告維切冀茲式憑

禱雨城隍文

崔銑

神之廟祀于茲土也蓋有年矣一方之灾祥冥實
操之所求于神者專故所禮于神者久而弗斃則
司雨暘而穀士女匪神之澤也亦神之耿余承乏

建安縣志

卷之九 藝文

二

至此幾歷三載利不能以盡典弊不能以盡廢幸
而商安于市農欣于野無饑饉之虞樂盈寧之室
雖曰天時豈非人力今倬彼雲漢旱斯徵矣麥雖
旣登禾將枯矣村老里氓頂露日中汗滴禾下神
卽鑿我以微忱余敢欺神以恕責爰告尊神體天
好生請命早殷或下民不德少示其儆若必欲斬
伐之以旱魃使靡有孑遺也當非所樂出約之二
日或三日維風及雨祈祈孔興是天之仁也卽神
之錫也環視四郊枯者立潤稿者復起民依然歌

庭碩焉其敢忘報乎斯時也神無溺取余亦免
曠官之失也夫

宰邑說

崔銑

臣之最近于君者曰宰輔而最親于民者則曰宰
邑然而民者君之民也君不能自親其民而用宰
以親之則民之所望于宰者宜其重而宰之所報
于君者更不得輕也今士夫遇通籍瑰然自異日
徜徉于詩酒花月間謂區區百里何足與重輕焉
庸庸者又拘成法止期得當簿書而撫循噢咻之

建安縣志

卷之九

藝文

三

心雖發而不得施是二者皆過也古君子不敢忘
君命之隆卽不敢爲苟且之治故得時大用則論
道陳謨警風戒愆致斯世于和恒不幸而淪落草
茅修身勵行友教四方亦未嘗不澤吾徒矧宰古
號子男固所稱父母百姓也夫曾是子男而不孝
其親乎亦曾是父母而不愛其子乎任是戢者固
宜思田疇之所以伍學校之所以興訟獄之所以
息寇盜之所以弭而且戶有流亾何以集之俗有
頑梗何以馴之野有遺老何以恤之歲有災稜何

以消之此孰非宰之所宜早夜圖維而下慰民依
上承 寵命哉且人性亦甚不相遠耳虞夏商周
非必備才而用也龔黃卓魯未必易民而治也

聖明之德世運之隆又遠過乎堯舜禹湯文武帝王
之列也猶是宰也而絃歌學道之風迺遂視古不
及耶蓋嘗稽之漢唐凡長吏治行高等入備帷幄
通都大邑又往往以臺閣出領其事今縉紳由令
秩起家而晉陟台衡者豈少也哉是宰固最親于
民亦最近于君而不容少有曠瘼以自囿其豎立

建安縣志

卷之九 藝文

四

者概可見矣然則所以爲邑者宜如何夫亦曰敬
以直內潔以持躬俾民之好惡趨避疾痛疴癢無
一不達其情而養欲給求盡所能事卽不必雉馴
鳳集而生而尊親歿而俎豆斯亦不負吾君宰邑
也而宰輔之道得焉矣若夫克盡厥職而終致屈
抑者亦不乏見是又尋常理數之外而不可概以
爲訓也嗚呼孰謂爲宰而可易易也哉

因美亭記

崔 銑

天下之事起于無藉者難起于有藉者易出乎白

然者逸出乎勉然者勞審夫勞逸難易之數顧不
第化民成俗可操券而必其效卽偶爾動作甚無
繫于輕重得失而謂無一端之幾于道不可也前
建尹濟上潘君闢園署室之西作亭其中頗其額
曰因美豈無見哉按亭高不丈餘廣數溝構櫺節
椽無丹漆雕飾制甚樸也去北數十武有軒顏曰
攬翠巖然相望清爽顯豁雅與亭稱左右環秀竹
如翠上蔭古樟榦壯合抱餘高接星漢陰翳青蘿
四時一色入其中者若雲谷岩棲而不知身在塵

建安縣志

卷之九

藝文

五

世致足樂也顧卜築日久廼謀重葺有言中之山
水宜壘石鑿泉爲增華計余甚難之甲寅之變閩
之臺榭陂池湮沒于荒煙野蔓者不知凡幾茲何
幸而重得斯亭也芾使君之新堂柳存諒之茅亭
清流奇石非不合形効技若恐後焉然距官舍遠
又皆憑藉山水而損益潤色遂以成勝固易且逸
也今其迹尚有存焉者乎矧余才不逮古人備員
衝劇窮日無片暇幸

天子明聖休養生息民無役車之勞有司正宜加意

噢咻推明德化猶懼無補萬一乃不此之務欲以
土石之工與造物而爭巧何其惑也且斯亭之所
以因美命名者何爲乎蓋謂長民者誠能因民之
利而興之則家富因民之善而教之則俗和且因
民之好惡趨避而與聚弗施則情達而政無不通
其寓意固重以周而非僅爲一身一時快意適志
之具而已也不然農賈編戶擁貲不過升斗其于
遊觀宴會之地尚欲移山廻澗花木禽魚備謀佳
麗見聞亦不爲怪曾身任長民而必不費一金不

建安縣志

卷之九 藝文

六

役一夫斤斤簡陋之常而云靡愧循良揆諸古人
琴鶴之風或不若是拘也余故深會其微仍其舊
制稍加補葺誌以自鑒且欲繼余而治者亦思此
亭之所由名推而遠之庶于化民成俗之道勿務
好勞苟難豈惟建人士之幸余實樂同心焉

崔邑侯編審碑記

潘錦

國家有治法必得治人蓋法雖良不得其人卽借
法以滋弊民不見法之便而祇苦法之擾也卽如
五年編審法至良意至美顧不肖者或以營私而

庸謹者徒循故事夫

朝廷稽數拜登之典適以啓豪右侵漁飽奸貪谿壑
便民之法民之不便孰如之耐翁崔老父臺以名
孝廉出宰吾邑慈祥子惠之休飲冰茹蘗之操衾
影盟之而婦孺信之辛卯值大造上體

聖天子蠲租賜復連年德意下恤窮百姓仰事俯畜
蔀屋艱難不庇豪強不徇請謁清番甲以便均輸
免老荒以甦困累册籍不假手於吏胥陋規咸悉
力以禁葦蓋民之被澤者五載於茲公以實心行

建安縣志

卷之九

藝文

七

實政亦何法而不便民而便民之法此尤其最也
召父杜母復見於今窮鄉下里戶而祝焉共期貞
珉以誌不諼夫公之不諼者豈待貞珉哉然巋然
片石與丹山並峙與碧水並流俾後之覽者咸自
濯磨有治人因有治法則民今日思所以不諼乎
公者固卽民計及後日而希所以自便者爾公證
銑號耐齋江南太平縣人康熙丁巳科舉人

永安寺

唐歐陽詹

結得蒲團不掃塵松間冥坐共何人
林深日午鐘聲動自採溪毛養幻身

白雲寺

許宏

踏破苔痕一徑斑白雲飛處見青山
不知浮世塵中客幾個能知物外閑

謁梨嶽祠

明劉璵

冒雨登梨嶽恭叅嶽下祠褒封來聖代
功德記唐時

建安縣志

卷之九

藝文

八

昭慶寺

楊讓

偶宿無塵地幸逢夜景清
講餘雙樹靜禪寂一燈明
素魄穿樞入涼颺滿簾生
已公能愛客淪茗坐更深

過黃華山園

謝丰

車馬城中地山堂二華開
亭應元草在水若浣花來
投轄知賢主登高愧賦才
冥鴻無限意寥廓自悠哉

又

疊石成青壘栽花得錦屏
千峯排闥至一水自天明

家家人產偏宜罷吏情時來恣討論不是爲逃名

黃華樓

明勞堪

使君綺席敞林丘讌坐輕風暑氣收一壑水光搖落日萬山雲影抱虛樓琴書足適還高酌湖海相逢且勝遊盛世不須誇放逸願隨賓從計先憂

又

李瑄

黃華樓上看黃花舉目雲深卽是家去國已甘如陸葉虛名空歎逐飄沙烏紗未許狂風落班彩寧隨愛日賒回首金臺無限意停杯坐待夕陽斜

建安縣志

卷之九 藝文

九

辰山

蘇仲簡

過了重陽九日期天風翼我上巍巍滄溟浩渺望不盡碧落高寒神欲飛井白尚存仙馭遠江山良是物情非詩成一笑烏紗墮滿摘黃花插鬢歸

白雲寺

蘇鉅

清暇來叅一指禪禪房深在白雲邊樹迷山色渾成雨溪接波光遠帶煙石畔尚留煨芋火林間時汲煮茶泉老僧相伴尋詩去滿抱松風興灑然

東華觀

賈暹

短髮蕭蕭鬢有華
泮蹤暫止老君家
纔吟紫句又見元都觀
裏花塵海波濤
心獨厭壺天風景趣
偏賒相逢一二神仙侶
時共林間飯熟麻

法雲堂

在吉苑里

江沂

偶扶鳩杖此間遊
六十衰翁願竟酬
塵世百年渾似夢
雲菴六月尚如秋
峯巒俯效兒孫列
殿閣虛同星漢浮
來去見聞休用問
他時終擬卜菟裘

建安附郭十景

梨嶽晴雲

崔銑

建安縣志

卷之九

藝文

十

高嶽鎮名城雲開一片晴
芝江水自小南浦樹分明
圖畫從空列人煙近郭生
幾回登眺處民物倍關情

華山夕照

永安寺爲華山

建勝首黃華回光映紫霞
鐘鳴古寺晚鳥去夕陽斜
禪靜無塵入年豐願日賒
餘輝挹不盡莫漫點燈花

東峯煙井

近城煙火密爭說是東峯士女千家樂
桑麻幾處芑摩肩占泰運比屋見休風
敬藉輜軒過是嶺頌帝功
南浦飛霞

晴浦新波綠清風動彩霞疑潭疑濯錦度嶺若飛花
藻火光難並芙蓉色漫誇不爲翹首望何以慰舟車

鶴岫橫秋

山中聞出鶴王氣應當年况際秋光好尤忻往事傳
疎林紅抹樹佳氣紫浮煙莫羨蓬萊勝孤高地可仙
文瀾西注天下水朝西者三處建溪其一賢儒所萃

雙流遠建郡一半向西來萬斛珠璣濺千尋匹練開
詩書沾潤澤人物喜滋培路鑿知誰力奇川應鼎魁

白雲紺宇

建安縣志

卷之九

藝文

十一

城東有古刹疑是白雲窩山色當門近松風入殿多
巍廊環翠竹石壁點青蘿清景悠然晤浮生快一過

驂鸞僊渡

不就南昌尉翔空白日仙功名流水去姓氏至今傳
草綠溪灘渡雲迷丹灶煙高風誠仰止况乃脫塵緣

李園春雪

園在白雲之左春日花開如雪

百卉當春發名園李亦開溫如玉樹立寒擬雪毳來
明月常爲伴白雲閒可陪誰甘佳麗候清素匹花魁

響谷傳音

忽聽來音響迥然出谷中氣求疑室遠聲應若神通
機發原無徑山呼不異嵩桃源如可秘何以透仙風

梨嶽晴雲

龔 渤

聞道李公愛此山山靈默默通天關芝城煙火家家
靜建水滌洄處處閒爽氣晨開巖綵色嵐光暮捲岫
添顏稱晴道雨無須競只教依然一望間

華山夕照

羲和雖已迫崦嵫殿宇明光影欲歛階草微微低有
色崇山冥冥遠何知寸陰瞬息無多子老大殷勤尚
待時當日魯陽人未信揮戈酣戰莫教遲

建安縣志

卷之九

藝文

三

東峯煙井

蒼黎百億集芝城更聽東峯雞犬聲丹竈日增雲子
白銀牀時挹玉壺清弦歌寧獨聞言偃師帥豈徒讓
董生丞負自慙無個事公餘庭畔不勝情

南浦飛霞

迤邐東門一水斜望中澄映落平沙千山舒影皆成
綺滿樹含輝不是花頃刻光流天帝醉殷勤杯飲曼
卿誇問霞飛欲歸何處儘入城中聚紫霞

鶴岫橫秋

世情歲月兩悠悠忽眺晴山已報秋黃綻橘垂綠露
滴紅飄楓舞爲霜流凝寒拂面誰人問素影馳輝何
處留幸得鶴山開復合非同丹嶂竟開牛

文瀾西注

庭松哦罷獨跚跚幸得名邦笑語看朝暮紉蘭讀丘
索春秋佩玉肅衣冠非因孺子常懸榻豈爲桓公只
授餐莫惟建安才子盛西園翰墨日添瀾

白雲紺宇

建安縣志

卷之九

藝文

三

眺望東城氣若何白雲深處老僧多香煙裊裊冲霄
漢偈語諄諄掛薜蘿貝葉飄來臨邃室天花散落習
青波超然去未非今日吏隱何妨佩玉珂

驟鸞仙渡

跋涉風塵若個憐優游世外羨神仙敲碁洞裏休離
席吹笛山中不計年在已問隣非素術守靈何索只
丹田乘鸞今日歸來晚應是武夷宴未還

李園春雪

成蹊來往不須囂豈比袁門跡未曉色蕩城邊

吠寒增院內傲蜂腰荆南去歲原非類
薊北今年可共邀滿樹雪雱凝欲散試看見
現幾多消

響谷傳音

能言晉石古來無空谷聲傳不用枹解語
野花似問荅知音溪水若都俞鳴珂濟濟才
登陞鼓腹熙熙歌載途恩澤如綸多浩蕩民
情踴躍代山呼

辭鄉賓

任元衷

多年來幣聘三讓志彌堅晉接難升降趨
蹶先後先黃冠豈上座破衲敢登筵幸恕野
人癖莫推隱者賢

建安縣志

卷之九

藝文

十四

布蔬隨飽煖泉石任殮眠卽此爲親愛更何奢
望焉

春日同友人登梨山

陸登選

梨山自昔推名勝躡屐乘春結伴遊峭壁孤懸
天地上危樓倒照日星浮煙迷洞口峯藏影
雨過山腰翠欲流憑弔李公棠芾處嶺雲芝水
日悠悠

通仙門樓晚眺

畫角風高暮雨收夕陽斜照好凝眸遠天雲
淨羣峯出近岸煙籠半郭浮樓影倒窺孤澗
月濤聲直撼富沙秋藍橋有路通仙境一望
恍疑到十洲